


Mbouj Miz Gungcanjdangj Couh Mbouj Miz Cungguk Moq

没有共产党就没有新中国

Mwh iq, daxgoeng ciengz gangj: “Cungguk Gungcanjdangj gouq le Cungguk, daiqlingx yinzminz byaij bae coh le swngli, mbouj miz gungcanjdangj, couh mbouj miz Cungguk moq……” Cungguk Gungcanjdangj dauqdaej miz geijlai hungmbwk?” Gou ngeizngwd mbouj roxyiuj.

Doeklaeng, gou yawj le haujlai saw gojgaeq gwzming. Daj gwnz saw, gou roxyiuj le gungcanjdangj daiqlingx Cungguk yinzminz bet bi dingjhoenx, roxyiuj le yinzminz gaijfangj saehnieb ndaej daeuj mbouj yungzheih, gij yiengh gungcanjdangj youq ndawsim gou couh yienhndaej hungmbwk lo. Ndaw 《Gojgaeq Leiz Fungh》, boh' au Leiz Fungh gangj: “Youq mwh maj-hung, gij son'gyauq caeuq gungganq dangj sawj gou swhsiengj caeuq gunghcoz mboujduenh cinbu, gou moix di cinbu cungj dwg dangj gvensim bangcoh. Gou, vih dangj caeuq yinzminz seng; vih dangj caeuq yinzminz lix; vih dangj caeuq yinzminz dai!” Gij vah boh' au Leiz Fungh hawj



gou doiq Cungguk Gungcanjdangj engq haeujlaeg roxyiuj lo.

Dang yamqdin seizgan daiq raeuz haeuj daengz 21 sigij, youq aen seizdaih moqsag neix, guekcoj raeuz youq langhhung gaijgwz hailangh

caeuq hawciengz ginghci nyoenx hwnj lajde, gaenq byaij hwnj le diuzloh gvangqlangh guekgya hungmbwk hoenghhwd, yinzminz fouqmiz. Dwg ha, raeuz seizneix gwndaenj vuen-yungz caencingq dwg noix mbouj

ndaej dangj lingjdauj caeuq gvensim. Danghnaeuz doenghbaez mbouj miz gyoengq gwzming cansw buekmingh dingjhoenx bouxcieqhauj, gizlawz miz saedcej vuenyungz ngoenzneix ne? Seizneix, raeuz mbouj you gwn, mbouj you daenj, mbouj you youq, saedcej gvaq ndaej ndei raixcaix. Raeuz dwg daihvunz caijsoc ndeindi ndeu, hix dwg daengzcog caeuq maqmuengh guekcoj. Raeuz wnggai ndeindei doegsaw, gaemdawz gak cungj bonjlingx, vih guekcoj daengzcog engqgya hoenghhwd guh gij gung' yen swheij.

Youq Cungguk Gungcanjdangj lingjdaej baihlaj, daengngoenz ciuq rongh daihdeih, yiuhhung bonghmbin gwnzmbwn, gyoengqraez cuengqmbin loqsiengj gyaundeil! Daengzcog dwg seizdaih gohgi, vwnzva riengret faz-canj, raeuz yaek guh boux vunz-ciepban miz lijsiengj, miz ceiqliengq, gouz cinbu, miz cwzyinganj, miz cingsaenz vutmingh ndeu.

(Vangj Loz)

Aensim Gou Diuqbubbub

我的心儿砰砰跳

贵港市覃塘区蒙公镇高占小学四年级 Cinz Genginh/覃建均

Cijaeu gou yawj daengz mbaw gaujgenj haenx, gou couh siengj hwnj baez gaujsi haenx……

Neix dwg baez yijvwnz gaujsi ndeu, hix dwg baez gaujsi gou ceiqliengq ndeu. Ngoenz haenx, “dinghlingling……” Lingz gaujsi yiengj lo, sing lingz lumj duzfanz coi gou ityiengh: “Vaiq di dap daez, mboujnex seizgan gaujsi couh mbouj gaeuq lo!” Gou gaem mbaw gaujgenj, latyawj mbat ndeu. “A! Miz haujlai daezmoeg cungj caengz raen gvaq, baenzlawz guh ha?” Gou ndawsim siengj, lauxsae gangj doiq lo, gaujsi cungj dwg gij daez dou caengz raen gvaq, bingzseiz lauxsae cij dwg son fuengfap. Dai lo, byawz heuh gou bingzseiz hwnjdangz mbouj nyinhcaen dingq ne! Gou gwj siengj gwj gaenjcien, buh baihlaeng cungj dumz hanh lo. “Mbouj ndaej yienghneix, aeu caem roengzdaej naemj cij ndaej.” Gou roengzrengz hawj aensim swheij dingh roengzdaej.

Gou fwngz gaem bit, “sa sa sa” sij dwk, geij daez baihnaj couh suenq sij ndaej lo, daez daihhaj miz aen swzyij ndeu mbouj rox sij, sim youh vueng hwnjdaej lo, aensim diuqbubbub. Gou song fajfwngz doxhab, baiq coh gwnzmbwn, ndawsim nam: Mehmbwn ha, gouzgouz mwngz, vaiq lwnh gou dapanq ba! Hoeng, baenzlawz hix sij mbouj ok, ndawsim gip raixcaix. Gou youh iet hoz dauqcawq muengh, fatyienh gwnzciengz banjbaeq miz aen swz neix, sim' angq lai lo, sikhaek ciuq cau roengzdaej. Yienzhaeuh, daekeiq yawj coh baihlaeng, raen miz di doengzhag sij ndaej beij gou lij menh. Gou youh yawjyawj seizgan, mbouj ndei lo, cij miz 40 faen cung



lo, caengz sij cozvwnz ne! Baezneix, sim gou diuq ndaej engq vaiq lo, fwngz saenzdwd, bit ndaw fwngz cungj mbouj dingq gangj lo, cih sij mbeuj lo. Mbouj miz banhfap, gou ngaem gyaeuj roengzdaej buekmingh sij, siengj daengz gijmaz couh sij gijmaz, couh lau sij mbouj rim.

Dauqdaej, cozvwnz gou couh lw aen byauhdenj fuzhau lo. “Dinghlingling……” Lingz gyau sigenj yiengj lo, gou aeu seizgan ceiqliengq doeklaeng dawz byauhdenj fuzhau sij hwnjbae le, sikhaek ndwn hwnjdaej gyau sigenj. Seizneix, aensim diuqbubbub gou couh lumj ndaek rin hung ityiengh cuengq roengzdaej lo.

Baezlaeng, cijaeu gou yawj daengz mbaw yijvwnz gaujgenj neix, sim gou lij dwg gyavaiq diuqbubbub. De hawj gou roxdaengz: Aeu siengj gaujsi mbouj simvueng, couh gauq bingzseiz roengzrengz hagsib.

(bouxlauxsae son'gyauq Cinz Caij-fwnh 指导老师 覃彩芬)



Saehaexma

蜗牛



Ban dou miz duz “saehaexma” ndeu, vunzlai vihmaz heuh de guh “saehaexma” ne? Aenvih de guh saeh numq raixcaix.

Baez gangj daengz duz “saehaexma” ban dou, boh-meh caeuq lauxsae de cungj vih de youheiq. Dou doengz sij cozyez, ciengzseiz dwg, dou sij yieb Sawgun ndeu, de cij sij ndaej buenq coij; dou sij cuj daez suyoj ndeu, de cij sij ndaej daez ndeu. Dou hwnj goq diyzuz, lauxsae heuh dou buet, dou buet cib yamq, de itbuen cij buet yamq roxaeuz song yamq. Ngoenznaengz cijaeu daihgya doengz bae hagdangz, de cungj numqnwknwk, ciengzseiz hwnjdangz le cij daengz ndawban. Mbat gonq lauxsae gauj dou yijvwnz caeuq suyoj, mbaw sigenj de cij dienz le song sam aen hoengq. Ceiqliengq youq gwnz cauhcangz guhcaemz byongh ngoenz, bohme de simgaenj raixcaix.

Gou rox aen yienzaen duz “saehaexma” guh saeh numq lo, aenvih de guh saeh coengzlaiz mbouj simgaenj gvaq, cungj gag guhcaemz nyoeknyoek, caemhcaiqliengq de cungj maij gag gwn saejdaez. Gvaqlaeng gou yaek bang de, lauxsae caeuq doengzhag hix yaek bang de. Gou maqmuengh vunzlai bang de le, de couh caeux di dawz gij yienghceij lumj “saehaexma” nei gaij ndei, bienqbaenz boux lwngyeiz guh saeh riengjvaiqliengq ndeu!

(Hoznanz Swngj Dangzhoz Yen Daihhaj Siujyoz ngeih nienzgaep ban 8 Liuz Cauh sij, Veiz Yinyiz hoiz)

